



এনডিপি বার্তা

সংখ্যা ১৬ | বর্ষ ০৯ | এপ্রিল - জুন, ২০১৮

সূচি পত্র

০০ সমৃদ্ধি ও প্রবীণ জনগোষ্ঠীর জীবনমান উন্নয়ন কর্মসূচির ক্রীড়া প্রতিযোগিতা ও সাংস্কৃতিক অনুষ্ঠান	১
০০ সিরাজগঞ্জে প্রবীণ মিলন মেলা,	
০০ সিপি রেডি ফিড কোম্পানীর কান্তি ডিরেষ্টরের এমফেরসি প্রকল্প পরিদর্শন	২
০০ বিশ্ব ব্যাংক ও পিকেএসএফ প্রতিনিধি দলের এলআইসিএইচএসপি প্রকল্প পরিদর্শন,	
০০ সিরাজগঞ্জে থ্রেপসি একলের মানববন্ধন	৩
০০ স্বাস্থ্যসেবা কর্মসূচির মাধ্যমে দরিদ্র গোষ্ঠীদের বিনামূল্যে ছানি অপারেশন,	
০০ অভিযাত্রা একলের কর্মকেন্দ্রিক ও আনন্দদায়ক শিক্ষা ওয়ারিয়েটেশন,	
০০ একনজরে এনডিপি'র ঝং সহায়তা কর্মসূচির অঙ্গগতি	৪
০০ সমৃদ্ধি কর্মসূচির বিশ্ব তামাক মুক্ত দিবস উদ্যাপন,	
০০ ইএসএল প্রকল্পের সমাপনী সভা	৫
০০ সাংস্কৃতিক ও ক্রীড়া কর্মসূচির উদ্যোগে বালিকাদের হ্যান্ডবল প্রতিযোগিতা,	
০০ রায়গঞ্জে ৯৫ জন প্রতিবন্ধীর মাঝে নগদ অর্থ বিতরণ	৬
০০ বিশেষ চাহিদা সম্পন্ন ব্যক্তিদের নেতৃত্ব বিকাশ প্রশিক্ষণ,	
০০ নিম্পাপ শিশু রাইসা ফিরে পেল বাবার আদর,	
০০ এপ্রিল-জুন ২০১৮ খ্রিস্টাব্দ সময়ের মধ্যে প্রকল্প শুরু বা শেষ হয়েছে তার সংক্ষিপ্ত বিবরণ	৭
০০ উজ্জিবিত প্রকল্পের অতি নাজুক সদস্যদের মাঝে অনুমান প্রদান,	
০০ পরিবারিক সহিংসতার শিকার মাঝাকে সিজিবিতি একলের চিকিৎসা সহায়তা,	
০০ কনফারেন্স রুম ও ট্রেনিং রুম ভাড়া	৮

সমৃদ্ধি ও প্রবীণ জনগোষ্ঠীর জীবনমান উন্নয়ন কর্মসূচির ক্রীড়া প্রতিযোগিতা ও সাংস্কৃতিক অনুষ্ঠান



কালো কোর্ট পরিহিত আলহাজ অধ্যাপক মোঃ আব্দুল কুদ্দুস (মাননীয় জাতীয় সংসদ সদস্য, নাটোর-৪)

সমৃদ্ধি ও প্রবীণ জনগোষ্ঠীর জীবনমান উন্নয়ন কর্মসূচির উদ্যোগে ১১ এপ্রিল ২০১৮ নাটোর জেলার গুরুদাসপুর উপজেলায় ক্রীড়া প্রতিযোগিতা ও সাংস্কৃতিক অনুষ্ঠান আয়োজন করা হয়। কাছিকাটা স্কুল এ্যান্ড কলেজ মাঠে অনুষ্ঠিত প্রতিযোগিতায় সমৃদ্ধি কর্মসূচি'র ৩৫টি শিক্ষা সহায়তা কেন্দ্রের ওয়ার্ড পর্যায়ের উত্তীর্ণ ছাত্র/ছাত্রী, অভিভাবক, উন্নয়ন যুব সমাজের সদস্য এবং প্রবীণ জনগোষ্ঠীর জীবনমান উন্নয়ন কর্মসূচির সদস্যরা অংশগ্রহণ করেন। দুপুরে ১ ঘন্টা বিরতি শেষে ২.০০ টায় মশিন্দা ইউনিয়ন পরিষদ চতুরে সাংস্কৃতিক অনুষ্ঠান শেষে বিজয়ীদের মাঝে পুরস্কার বিতরণ করা হয়। এছাড়াও কার্যক্রমটিতে প্রবীণ জনগোষ্ঠীর জীবনমান উন্নয়ন কর্মসূচি কর্তৃক প্রবীণ ও প্রবীণদের স্তরান্দের মধ্যে থেকে ১০ জনকে শ্রেষ্ঠ পিতা ও ৫ জনকে শ্রেষ্ঠ স্তনান এবং সবচেয়ে বেশি বয়সী ১ জন প্রবীণকে স্মাননা স্মারক প্রদান করা হয়। এছাড়া সকল প্রবীণ সদস্যদেরকে সম্মানী বাবদ নগদ টাকা এবং ৭৫ জনকে ৬০০ টাকা হারে মাসিক ভাতা এবং একজন মুত ব্যক্তির সৎকারের জন্য নিকট আত্মীয়ের কাছে নগদ ২,০০০ টাকা প্রদান করা হয়।

অনুষ্ঠানে প্রধান অতিথি হিসেবে উপস্থিত ছিলেন গুরুদাসপুর উপজেলা নির্বাহী কর্মকর্তা মোঃ মনির হোসেন, গুরুদাসপুর উপজেলা পরিষদের সাবেক চেয়ারম্যান মো. জাহিদুল ইসলাম, ৪ নং মশিন্দা ইউনিয়ন পরিষদের চেয়ারম্যান প্রভাষক মোঃ মোস্তাফিজুর রহমান। সভাপতিত্ব করেন এনডিপির প্রতিষ্ঠাতা ও নির্বাহী পরিচালক মো. আলাউদ্দিন খান। অনুষ্ঠানটি সঞ্চালনা করেন এনডিপির পরিচালক কর্মসূচি মোহাম্মদ শাহ আজাদ ইকবাল।

এনডিপি ও পিকেএসএফ কর্তৃক আয়োজিত এই ক্রীড়া প্রতিযোগিতা ও সাংস্কৃতিক অনুষ্ঠান আমার মনে সাড়া দিয়েছে। এনডিপি দীর্ঘদিন ধরে নাটোর, সিরাজগঞ্জসহ কয়েকটি জেলায় বিভিন্ন ধরনের উন্নয়নমূলক কার্যক্রমের পাশাপাশি শিক্ষা, সংস্কৃতি ও খেলাধূলায় বেসরকারি সংস্থা হিসেবে গুরুত্বপূর্ণ ভূমিকা পালন করছে। এছাড়া প্রবীণদের নিয়ে যে কার্যক্রমটি বাস্তবায়িত হচ্ছে তা সত্যিই প্রশংসনীয় দাবি রাখে। বর্তমানে আমাদের সমাজে প্রবীণদের কেউ খোজ খবর রাখে না। কিন্তু তাদেরও একটা আলাদা জীবন আছে। এনডিপি কর্তৃক প্রবীণদের জন্য এই ধরনের উদ্যোগ গ্রহণ করায় তিনি সাধুবাদ জানান এবং সকল উন্নয়ন কর্মকাণ্ডে সর্বান্তক সহযোগিতার আশাস দেন।

সম্পাদনা পরিষদ

সম্পাদক :

মোঃ আলাউদ্দিন খান
নির্বাহী পরিচালক

প্রগ্রাম :

ড. এবিএম সাজাদ হোসেন
পরিচালক (পিআরএম)

মোস্তাফাঃ আব্দুল্লাহ আল মেহদী
ম্যানেজার (রিসার্চ এন্ড ডকুমেন্টেশন)

প্রকাশনায় :

রিসার্চ এন্ড ডকুমেন্টেশন বিভাগ
ন্যাশনাল ডেভেলপমেন্ট প্রোগ্রাম-এনডিপি

সিরাজগঞ্জে প্রবীণ মিলন মেলা

প্রবীণ জনগোষ্ঠীর শারীরিক ও মানসিক স্বাস্থ্যের উন্নতির লক্ষ্যে এনডিপি বাস্তবায়িত প্রবীণ কল্যাণ কর্মসূচির সদস্যদের নিয়ে ৫ মে ২০১৮ গূর্ত ভবন সিরাজগঞ্জ মাঠে প্রবীণ মিলন মেলা অনুষ্ঠিত হয়। প্রবীণগণ র্যাজী ও আলোচনা সভা শেষে নিজেদের মধ্যে ক্রীড়া প্রতিযোগিতার আয়োজন করেন। শতাধিক প্রবীণের অংশগ্রহণে ক্রীড়া প্রতিযোগিতায় বালিশ খেলা, বালতিতে বল ফেলা, হাড়ি ভাসা এবং বর্ষা নিক্ষেপ খেলা অনুষ্ঠিত হয়। দিনবাপি অনুষ্ঠান শেষে বিজয়ীদের মাঝে পুরস্কার বিতরণ করা হয়। প্রধান অতিথি অতিরিক্ত জেলা প্রশাসক (সার্বিক) সিরাজগঞ্জ সৈয়দ ইরতিজা আহসান মিলন মেলার উদ্বোধন ঘোষণা করেন। উদ্বোধনে প্রবীণদের প্রতি সামাজিক দায়বন্ধতা থেকে এমন একটি আয়োজন করায় এনডিপিকে ধন্যবাদ জানান। আরো বলেন- আজকের এই অনুষ্ঠানটি আমার জীবনে দেখা একটি ব্যক্তিগত আয়োজন। শতাধিক প্রবীণ সদস্যকে একসাথে উৎসাহ-উদ্বৃত্তিময় মেলে থাকতে দেখে মনে হচ্ছে তারা কৈশোর জীবন ফিরে পেয়েছেন। এটি সত্যিই একটি আনন্দময় মুহূর্ত।

মিলন মেলার মুক্ত আলোচনা পর্বে অংশগ্রহণকারী প্রবীণ সদস্য

মোঃ লিয়াকত হোসেন(৬৫) সিরাজগঞ্জে একটি বৃক্ষাঞ্চল করার দাবি জানালে উন্নতের প্রধান অতিথি বলেন- শুধু বৃক্ষাঞ্চল নয়, যেকোন সমস্যা নিয়ে প্রবীণ সদস্যবৃন্দ আমার অফিসে আসলে আমি তাদের জন্য অবশ্যই আয়োজনীয় সহযোগিতা করব ইনশাল্লাহ। এছাড়া তিনি প্রবীণ কল্যাণ কর্মসূচি'র ১০ জন প্রবীণ সদস্যকে ২০১৮ সাল থেকে বয়স্ক ভাতা প্রদানের ঘোষণা দেন।

মিলন মেলায় স্বাগত বক্তব্যে এনডিপির নির্বাহী পরিচালক মোঃ আলাউদ্দিন খান বলেন- বর্তমান সমাজে প্রবীণ জনগোষ্ঠী নিজ পরিবার ও আত্মীয়-স্বজনের কাছেও অবহেলিত। অথচ প্রবীণ জনগোষ্ঠীকে বাদ দিয়ে দেশের প্রকৃত উন্নয়ন সম্ভব নয়। এই বিষয়টি বিবেচনা করে সরকার প্রবীণদের জন্য নানা পদক্ষেপ হাতে নিয়েছে। পাশাপাশি এনডিপিও প্রবীণদের সাথে নিয়ে সামনে এগিয়ে যাওয়ার প্রচেষ্টা চালাচ্ছে। তাই প্রবীণদেরকে পরিবার থেকে বিচ্ছিন্ন না করে পরিবারের সাথে বন্ধন আটু রেখেই প্রবীণ জনগোষ্ঠীর জীবনমান উন্নয়নে সিরাজগঞ্জ সদরে ২০১৫ সাল থেকে নিজস্ব অর্থায়নে প্রবীণ কল্যাণ কর্মসূচি বাস্তবায়ন করছে। এজন সদরে একটি প্রবীণ কর্মসূচির কার্যালয় রয়েছে। প্রতিদিন বিকালে প্রবীণরা এখানে আসেন। উপরোক্ত পরিবেশে চা-নাতা এহণ করেন, পত্রিকা পড়েন, টেলিভিশন দেখেন, ধর্মীয় বই পড়েন, গল্প করেন। এছাড়া প্রতি মাসে একজন বিশেষজ্ঞ ডাক্তার এবং প্রতি সপ্তাহে একজন



প্রবীণদের অংশগ্রহণে বালিশ খেলা

স্বাস্থ্য সহকারি দিয়ে প্রবীণদের বিনামূল্যে রক্তের চাপ নির্যায়, ডায়াবেটিস পরীক্ষা ও ঔষধ বিতরণ করা হয়। শীতকালে কম্বল বিতরণ করা হয়। বিনা সার্ভিস চার্জে প্রবীণদের মাঝে ঝণ বিতরণ করা হয়। তিনি প্রবীণদের সেবায় এগিয়ে আসার জন্য জেলা প্রশাসনসহ সর্বস্তরের জনগণকে অনুরোধ জানিয়ে তার বক্তব্য শেষ করেন।

প্রবীণ সদস্যদের মধ্য থেকে কামারখন্দ উপজেলার সাবেক উপজেলা চেয়ারম্যান অধ্যক্ষ আব্দুল আজিজ সরকার, মোঃ লিয়াকত হোসেন এবং ডা: মোঃ আব্দুল কাদের বক্তব্য প্রদান করেন। লিয়াকত হোসেন কাব্যিক ভাষায় বলেন, সব থাকতেও আমরা প্রশংস্যহীন আশ্রয়ে আছি। বাড়ি থাকতেও আমরা ঘরহীন। আমরা উদ্বাস্থ, আমরা জঙ্গল। বাড়ি-গাড়ি, জী-পুত্র-কন্যা, নাতি-নাতনি থাকলেও আমরা নিঃস্ব, আমরণ পরিব্রাজক, গন্তব্য ফাঁকি দিয়ে অনন্ত ফেরারি। নগরের পিচালা হাইওয়ে আমাদের সীমাহীন বেলাভূমি। আকাশের নিচিছু ছাঁদ ফুঁড়ে দেয়ে আসে জমকালো রোদ। রোধে ভিজে বিক্ষ হই। এভাবেই আমাদের নিয়ত সৌখিন সূর্যস্নান। সবার বক্তব্য শেষে সকল প্রবীণ প্রতি বছরই এই মেলা আয়োজন করার অনুরোধ জানান।

বিশেষ অতিথি হিসেবে উপস্থিত ছিলেন জেলা সমাজসেবা সিরাজগঞ্জ কার্যালয়ের সহকারি পরিচালক মোঃ মতিউর রহমান। উল্লেখ্য, প্রবীণ মিলন মেলাটি পিকেএসএফ ও এনডিপি বাস্তবায়িত সাংস্কৃতিক ও ক্রীড়া কর্মসূচির অর্থায়নে আয়োজন করা হয়।

সিপি রেডি ফিড কোম্পানীর কান্ট্রি ডি঱েক্টরের এমফোরসি প্রকল্প পরিদর্শণ



দলীয় আলোচনা সভায় কান্ট্রি ডি঱েক্টর সিপি রেডি ফিড
বাংলাদেশ ও কমসালট্যান্ট সিপি বাংলাদেশ

৪ এপ্রিল ২০১৮ সিপি বাংলাদেশের কান্ট্রি ডি঱েক্টর পারাসাট হস্কানসাপ এবং প্রাণিসম্পদ অধিদণ্ডের সাবেক ডিজি ও সিপি বাংলাদেশের কমসালট্যান্ট ডা: আব্দুল বাকী সিরাজগঞ্জের বেলকুচি উপজেলার মনতলা গ্রামে এমফোরসি প্রকল্পের চুক্তিভিত্তিক গরু মোটাতাজাকরণ কার্যক্রম পরিদর্শণ করেন। পরিদর্শণকালে তিনি চুক্তিভিত্তিক গরু মোটাতাজাকরণ দলের সদস্যদের সাথে কথা বলেন এবং চরের খামারীদের আধুনিক পদ্ধতিতে গরু পালন ও লাভবান হওয়ার গল্প শনেন। অতঃপর তিনি সরেজমিনে কথেকজন খামারীর বাড়ীতে যান এবং গরু পালনের ব্যবস্থাপনা পদ্ধতি ও পরিষ্কার পরিচ্ছন্নতা দেখে প্রশংসা করেন। ভবিষ্যতে সিপি এই চরাখগ্লে রেডি ফিড ব্যবহার করে চুক্তি ভিত্তিক গরু মোটাতাজাকরণ কার্যক্রম বাস্তবায়ন করার আশ্বাস দেন।

বিশ্ব ব্যাংক ও পিকেএসএফ প্রতিনিধি দলের এলআইসিএইচএসপি প্রকল্প পরিদর্শন

৪ এপ্রিল ২০১৮ বিশ্ব ব্যাংক ও পিকেএসএফ প্রতিনিধি দল সিরাজগঞ্জ সদর উপজেলায় এনডিপি বাস্তবায়িত Low Income Community Housing Support Project পরিদর্শন করেন। পরিদর্শন দলের নেতৃত্ব দেন বিশ্ব ব্যাংকের টাক্ষ টিম লিডার এন। সাথে ছিলেন বিশ্ব ব্যাংকের ডেপুটি টাক্ষ টিম লিডার সাবা মুইন ও পরামর্শক হারিস খারি এবং পিকেএসএফ এর মহাব্যবস্থাপক ড. নুরজামান ও ব্যবস্থাপক আবুল কালাম আজাদ। পরিদর্শনের আগে সকালে এনডিপির প্রধান কার্যালয়ে এনডিপির উর্ধ্বতন কর্তৃপক্ষ ও প্রতিনিধি দলের মধ্যে মত বিনিময় সভা অনুষ্ঠিত হয়। মত বিনিময় সভায় Low Income Community Housing Support Project এর অংশগতি প্রতিবেদন পাওয়ার পয়েন্টের মাধ্যমে উপস্থাপন করেন এনডিপির পরিচালক (পিআরএম) ড. এবিএম সাজাদ হোসেন। এনডিপির পক্ষে আরও উপস্থিত ছিলেন নির্বাহী পরিচালক মোঃ আলাউদ্দিন খান, পরিচালক (কর্মসূচি) মোহাম্মদ শাহ আজাদ ইকবাল, এলআইসিএইচএসপি কর্মসূচির ফোকাল পারসন ও ঋণ সহায়তা কর্মসূচি'র উপ-পরিচালক মোসলেম উদ্দিন আহমেদ প্রমুখ।

প্রকল্পটির মাধ্যমে এ পর্যন্ত ৫০ জনকে ১ কোটি ৫২ লক্ষ টাকা গৃহ ঋণ



বিশ্ব ব্যাংকের টাক্ষ টিম লিডার (ডান দিকে টিতীয়), টিম লিডারের ডানে ডেপুটি টিম লিডার, সর্ব ডানে পরামর্শক হারিস খারি, সর্ব বামে এনডিপির নির্বাহী পরিচালক প্রদান করায় প্রতিনিধি দল সঙ্গে প্রকাশ করেন। পাশাপাশি সরকারের স্থানীয় কর্তৃপক্ষ বিশেষ করে সিরাজগঞ্জ পৌরসভার সকল নিয়মনীতি মেনে কর্মসূচিটি বাস্তবায়নের ওপর গুরুত্বপূর্ণ করেন। উল্লেখ্য, প্রকল্পটি বিশ্ব ব্যাংকের অর্ধায়নে পঞ্চী কর্ম সহায়ক ফাউন্ডেশনের সহযোগিতায় এনডিপির মাধ্যমে বাস্তবায়িত হচ্ছে। প্রকল্পটি স্বল্প সার্ভিস চার্জে অল্প আয়ের মানুষের নিজের জমিতে আবাসনের উদ্দেশ্যে নতুন গৃহ নির্মাণ, সংক্ষার ও সম্প্রসারণের লক্ষ্যে ২০১৭ সাল থেকে বাস্তবায়িত হচ্ছে।

সিরাজগঞ্জে প্রেপসি প্রকল্পের মানববন্ধন



২৭ জুন ২০১৮ তারিখে এনডিপি কর্তৃক বাস্তবায়িত প্রেপসি প্রকল্পের উদ্যোগে নির্যাতিত বুদ্ধি প্রতিবন্ধি মোছা, জেসমিন খাতুনের মামলার সুষ্ঠু তদন্ত ও বিচারের দাবিতে সিরাজগঞ্জ

জেলা শহরের চৌরাস্তা মোড়ে মানব বন্ধন অনুষ্ঠিত হয়। মানব বন্ধনে সিরাজগঞ্জ জেলা এনডিপি সমন্বয় পরিষদ সভাপতি মো. জাহাঙ্গীর আলম রতন, দৈনিক করতোয়ার সিনিয়র সাংবাদিক ও জেলা প্রতিবন্ধি অধিকার ফোরাম সভাপতি হেলাল আহমেদ, উপজেলা সমাজসেবা কর্মকর্তা মো. জেল হোসেন, এনডিপির সহকারি পরিচালক (এমএনই) কাজী মাসুদজামান, সুক এর নির্বাহী পরিচালক মো. আনোয়ার হোসেন, মানব মুক্তির প্রশাসনিক ব্যবস্থাপক মো. মোতাহের হোসেন, সদর প্রতিবন্ধি কল্যাণ সমিতির সভাপতি মো. রেজাউল করিম, তাড়াশ উপজেলা প্রতিবন্ধি কল্যাণ সমবায় সমিতির সভাপতি মো. সোনা উদ্ঘাই, বেলকুচি উপজেলা প্রতিবন্ধি কল্যাণ সমবায় সমিতির সভাপতি মো. মোবারক হোসেন, রায়গঞ্জ উপজেলা প্রতিবন্ধি কল্যাণ সমবায় সমিতির সভাপতি হাফেজ রেজাউল করিম, শিগন চন্দ্র নাগ সহকারি ব্যবস্থাপক (শিক্ষা ও প্রতিবন্ধিতা কর্মসূচি)-এনডিপি এবং সিরাজগঞ্জ জেলার বিভিন্ন উপজেলা হতে প্রতিবন্ধি, অভিভাবক, সাংবাদিক, শিক্ষক, জনপ্রতিনিধিসহ কলেজ পদুয়া ছাত্র/ছাত্রী অংশগ্রহণ করেন।

স্বাস্থ্যসেবা কর্মসূচির মাধ্যমে দরিদ্র রোগীদের বিনামূল্যে ছানি অপারেশন

এনডিপি বাস্তবায়িত স্বাস্থ্যসেবা কর্মসূচি কর্তৃক ২৫ জুন ২০১৮ বিএনএসবি হাসপাতালে বিনামূল্যে চক্ষু ছানি অপারেশন করা হয়। সিরাজগঞ্জ জেলার কামারখন্দ উপজেলার বাঁকাইল ও দ্বৰাখাট ইউনিয়নের চোখের সমস্যা জনিত ৯০ জনের মধ্যে থেকে অপারেশনের জন্য ৩২ জনকে ২৩ জুন ২০১৮ ক্যাম্পেইনের মাধ্যমে বাছাই করা হয়। বাছাই প্রক্রিয়ায় অধ্যাপক এমএ মতিন মেমোরিয়াল বিএনএসবি বেজ আই হাসপাতালের টিকিবন্দকগণ অংশগ্রহণ করেন। বাছাই শেষে উক্ত ৩২ জনকে বিএনএসবি বেজ আই হাসপাতালে ভর্তি করা হয়। চক্ষু ছানি অপারেশন শেষে রোগীদেরকে প্রয়োজনীয় ঔষধপত্র বিনামূল্যে দেওয়া হয়। অপারেশন পরিচালনা করেন বিশেষজ্ঞ ডাক্তার মোঃ ইসরাইল হোসেন, ডাক্তার মোঃ শফিকুল ইসলাম, ডাক্তার মোঃ নাজুল হক। কার্যক্রমটির সার্বিক তত্ত্বাবধান করেন এনডিপির উপ-পরিচালক (এমএফ) মোসলেম উদ্দীন আহমেদ। ডাক্তারদের কার্যক্রমে সহযোগিতা প্রদান করেন এনডিপির স্বাস্থ্য সেবা কর্মসূচির স্বাস্থ্য সহকারি মোছাঃ শোভা পারভীন। এছাড়া এনডিপির এমএফ কর্মসূচির সহকারি পরিচালক মোঃ সাইফুল ইসলাম অন্তর্পচার চলাকালীন উপস্থিত ছিলেন। উল্লেখ্য, এনডিপি এ পর্যন্ত ঋণ সহায়তা কর্মসূচি, সিবিআর, সমৃদ্ধিসহ



চক্ষু ছানি অপারেশনের পর কয়েকজন

বিভিন্ন প্রকল্প/কর্মসূচির মাধ্যমে ২ সহস্রাধিক দরিদ্র রোগীর বিনামূল্যে চক্ষু ছানি অপারেশন করেছে।

অভিযান্ত্র প্রকল্পের কর্মকেন্দ্রিক ও আনন্দদায়ক শিক্ষা ওরিয়েন্টেশন



শিক্ষক শিক্ষিকা এবং শিক্ষা উন্নয়ন কমিটির সদস্যগণ দলীয় কাজ করছেন

গণস্বাক্ষরতা অভিযানের সহায়তায় পরিচালিত ৬ মাস মেয়াদি পাইলট প্রকল্পে অভিযান এর উদ্যোগে ২৭-২৮ জুন ২০১৮ দুই দিনব্যপী সরকারি প্রাথমিক বিদ্যালয়ের শিক্ষক ও শিক্ষিকাদের নিয়ে কর্মকেন্দ্রিক ও আনন্দদায়ক শিক্ষা বিষয়ক ওরিয়েন্টেশন অনুষ্ঠিত হয়। এনডিপি এর আয়োজনে এনডিপির প্রধান কার্যালয়ে অনুষ্ঠিত ওরিয়েন্টেশনে সিরাজগঞ্জ জেলার কামারখন্দ উপজেলার বাঁকাইল ইউনিয়ন এবং পাবনা জেলার বেড়া উপজেলার চাকলা ইউনিয়নের ২৬টি বিদ্যালয় থেকে একজন করে ২৬ জন শিক্ষক এবং দুটি ইউনিয়নের শিক্ষা উন্নয়ন কমিটি থেকে ১০ জন প্রতিনিধিসহ মোট ৩৬ জন অংশগ্রহণ করেন। বিদ্যালয়ের ছাত্র/ছাত্রীদের শিক্ষাকে আনন্দদায়ক ও মননশীল করতে এই ওরিয়েন্টেশনের আয়োজন করা হয়। ওরিয়েন্টেশন শেষে অংশগ্রহণকারীগণ বলেন- এখান থেকে অর্জিত জ্ঞান আমরা আমাদের বিদ্যালয়ে কাজে লাগাতে পারলে ছাত্র/ছাত্রীরা উপকৃত হবে এবং ভবিষ্যতে সুনাগরিক হিসেবে গড়ে উঠবে। ওরিয়েন্টেশন কার্যক্রমটির উদ্ঘোধন করেন এনডিপির নির্বাহী পরিচালক মোঃ আলাউদ্দিন খান। উদ্ঘোধনী অনুষ্ঠানে আরো উপস্থিত ছিলেন কামারখন্দ উপজেলা সহকারি শিক্ষা কর্মকর্তা মোছাঃ শামিমা সুলতানা, এনডিপির পরিচালক (পিআরএম) ড. এবিএম সাজাদ হোসেন এবং সহকারি পরিচালক (এমএভই) কাজী মাসুদুজ্জামান।

একনজরে এনডিপি'র ঋণ সহায়তা কর্মসূচির অগ্রগতি

এনডিপি উন্নয়ন সহযোগি সংস্থার সাথে বিভিন্ন উন্নয়নমূলক কার্যক্রম বাস্তবায়ন করার পাশাপাশি ১৯৯২ সাল থেকে ঋণ সহায়তা কর্মসূচি বাস্তবায়ন করছে। কর্মসূচিটি এনডিপি'র নিজস্ব ও পিকেএসএফ'র অর্থায়নে ৫২টি শাখার মাধ্যমে পরিচালিত হচ্ছে। এনডিপি কর্তৃক অর্জিত বর্তমান তিত নিচের ছকে তুলে ধরা হলো:

ক্র. নং	বিবরণ	জুন' ২০১৮
১	শাখার সংখ্যা	৫২
২	মোট সদস্য (জন)	৯০২৫১
৩	ক্রমপূর্ণভূত ঋণ বিতরন (কোটি টাকায়)	১,৭১৫.৫৪
৪	ক্রমপূর্ণভূত ঋণ আদায় (কোটি টাকায়)	১,৫১৫.২৮
৫	ঋণ ছিত্রি (কোটি টাকায়)	২০০.২৬
৬	সদসাদের সঞ্চয় ছিত্রি (কোটি টাকায়)	৫৯.৩৪
৭	ক্রমপূর্ণভূত নীট তহবিল (কোটি টাকায়)	৭৮.৮৩
৮	ঋণী কভারেজ	৮১.৯০%

ক্র. নং	বিবরণ	জুন' ২০১৮
৯	মোট বেকয়া (কোটি টাকায়)	১.৩০
১০	ঋণ আদায়ের হার	৯৯.৯১%
১১	On Time Realization (OTR)	৯৯.৫২%
১২	Liquidity Ratio	৯.৩৪%
১৩	Port folio At Risk	০.৭৯%
১৪	Delinquent Ratio	০.৬৫%
১৫	Debt : Equity	১.৪৪:১
১৬	কর্মী : সদস্য	১:৩২৯

ক্র. নং	বিবরণ	জুন' ২০১৮
১৭	কর্মী : ঋণী সদস্য	১:২৬৯
১৮	সমিতি : সদস্য	১:১৭
১৯	সমিতি : ঋণী সদস্য	১:১৪
২০	কর্মী : ঋণ ছিত্রি (লাখ টাকায়)	১:৭৩
২১	কর্মী : ঋণ ছিত্রি (লাখ টাকায়)	১:২২
২২	ষাফ : ঋণী সদস্য	১:১৬৬
২৩	কর্মী : সদস্য	১:৩২৯

সমৃদ্ধি কর্মসূচি'র বিশ্ব তামাক মুক্ত দিবস উদ্বাপন



বক্তব্য দিচ্ছেন বেড়া উপজেলা নির্বাহী কর্মকর্তা

“তামাক করে হাদপিডের ক্ষয়, স্বাস্থ্যকে ভালোবাসি তামাককে নয়” এই শ্লোগানকে সামনে রেখে এনডিপি-সমৃদ্ধি কর্মসূচির আওতায় পাবনা জেলার

বেড়া উপজেলায় চাকলা ইউনিয়নে বিশ্ব তামাক মুক্ত দিবস ২০১৮ পালিত হয়। দিবসটি পালন উপলক্ষ্যে র্যালী, আলোচনা সভা ও সাংস্কৃতিক অনুষ্ঠানের আয়োজন করা হয়। র্যালীটি ইউনিয়ন পরিষদ থেকে শুরু হয়ে পঁচরিয়া দাখিল মদ্রাসা মাঠে এসে শেষ হয়। র্যালী শেষে আলোচনা সভা ও সাংস্কৃতিক অনুষ্ঠান অনুষ্ঠিত হয়। অনুষ্ঠানে প্রধান অতিথি বেড়া উপজেলা নির্বাহী কর্মকর্তা মাহবুব হাসান বিশ্ব তামাক মুক্ত দিবসে সবার স্বতঃস্ফূর্ত অংশগ্রহণকে স্বাগত জানান এবং সবাইকে মাদক থেকে বিরত থাকতে পরামর্শ দেন। পাশাপাশি মাদকের বিরুদ্ধে গণজাগরণ গড়ে তোলার জন্য সর্ব সাধারণকে উদ্ব�ৃত্ত করতে এনডিপিকে আরো বেশি কার্যকারি ভূমিকা পালনের আহবান জানান। বিশেষ অতিথি বেড়া থানা অফিসার ইনচার্জ মোঃ মোজাফফর হোসেন চাকলা ইউনিয়ন তথা বেড়া উপজেলাকে আগামী ৩ মাসের মধ্যে মাদকমুক্ত করার যোগ্যতা দেন। সেই সাথে মাদক, বাল্য বিবাহ, ইভিটিজিং, নারী নির্যাতনের বিরুদ্ধে সবাইকে সাথে নিয়ে ঐক্যবন্ধনাবে কাজ করার অঙ্গীকার ব্যক্ত করার পাশাপাশি সবাইকে তার মোবাইল ফোন নষ্ট করতে দেন। অনুষ্ঠানটিতে সভাপতিত্ব করেন চাকলা ইউনিয়ন পরিষদ চেয়ারম্যান মোঃ ফারুক হোসেন। এরপর মুক্ত আলোচনায় বক্তরাও তামাক সেবনের ফলে শাস্ত্র ও অর্ধের ক্ষতিকর দিক সমৃহ তুলে ধরেন এবং আগামী প্রজননের ভবিষ্যত প্রতিবন্ধকতা দ্রু করতে মাদককে নির্মূল করার অঙ্গীকার করেন। তারা আরো বলেন, তামাক মাদকের প্রাথমিক ক্ষেত্র হলো আস্তে আস্তে তা ভ্যাল মাদক চক্রের দিকে ধাবিত করে। যা পরিবার, সমাজ ও জাতিকে ধ্বংস করে দেয়।

ইএসএল প্রকল্পের সমাপনী সভা

Ensuring Sustainable Livelihood Project টি ২০১৪ সালের ২৩ আগস্ট থেকে নাটোর জেলার লালপুর উপজেলার ওয়ালিয়া ইউনিয়নে এনডিপি কর্তৃক বাস্তবায়িত হয়। ইউনিয়নের ৫টি গ্রামের ১,১৭৫ জন নারী সদস্যের জীবন-যাত্রার মান উন্নয়নে ৩০ জুন ২০১৮ সাল পর্যন্ত গরু মোটাতাজাকরণ, দুঃখ উৎপন্নান, ছাগল পালন ইত্যাদি বিভিন্ন ধরনের আইজিএ ভিত্তিক কার্যক্রম বাস্তবায়ন হয়। হেইফার ইন্টারন্যাশনালের অর্থায়নে পরিচালিত প্রকল্পটির বাস্তবায়ন শেষে এনডিপি কর্তৃক ২৮ জুন ২০১৮ লালপুর উপজেলা পরিষদ হলরুমে প্রকল্প সমাপনী সভা অনুষ্ঠিত হয়। সভায় প্রকল্পের অর্জন, ঝুঁকি ও সমস্যাসমূহ পাওয়ার পয়েন্টের মাধ্যমে তুলে ধরা হয়। লালপুর উপজেলা নির্বাহী কর্মকর্তা নজরুল ইসলামের সভাপতিত্বে অনুষ্ঠিত সভায় আরো উপস্থিত ছিলেন লালপুর উপজেলা সমাজসেবী কর্মকর্তা, উপজেলা প্রাধিসম্পদ কর্মকর্তা, উপজেলা মহিলা বিষয়ক কর্মকর্তা, উপজেলা যুব উন্নয়ন কর্মকর্তা, বিআরভিবি কর্মকর্তা, হেইফার ইন্টারন্যাশনালের ব্যবস্থাপক (জীবিকায়ন) ডাঃ মাজেন্দুর রহমান, প্রকল্প কর্মকর্তা ডঃ হারুনুর রশিদ, এনডিপি-ইএসএল প্রকল্প সমন্বয়কারি আবু আমেশ ইউসুফ, এনজিও প্রতিনিধি, সাংবাদিকবৃন্দ, প্রকল্পের বিভিন্ন স্টেকহোল্ডার এবং এনডিপির পরিচালক (পিআরএম) ড. এবিএম সাজ্জাদ হোসেন ও উপ-পরিচালক (এমএফ) মোসলেম উদ্দীন আহমেদ। সমাপনী সভার মুক্ত আলোচনায় এক প্রান্তের জবাবে ষ্টেকহোল্ডারগণ প্রকল্প থেকে অর্জিত জ্ঞান ব্যবহার করে কার্যক্রমগুলো প্রকল্পের অনুপস্থিতিতেও চলমান রাখবেন বলে প্রত্যয় ব্যক্ত করেন।

উল্লেখ্য, প্রকল্প কর্তৃক অর্জিত সাফল্য চলমান রাখতে ওয়ালিয়া শিমুল মহিলা সমবায় সমিতি লি: নামে একটি আর্থিক ও জন কল্যাণমূলক বহুমুখী সেবাদানকারী প্রতিষ্ঠান ও ছাগল প্রজনন কেন্দ্র গড়ে তোলা হয়। হেইফার ইন্টারন্যাশনাল কর্তৃক সমবায় সমিতির স্থায়ী জায়গা ও খামার তৈরিতে এককালীন ৪৮,৯৪,৭২৪ টাকা অনুদান দেওয়া হয়। এছাড়া সমবায়



লালপুর উপজেলা নির্বাহী কর্মকর্তা (মাঝে)

সমিতিকে গতিশীল করতে এনডিপি ও হেইফার ইন্টারন্যাশনাল কর্তৃক আর্থিক ও কারিগরি সহায়তা প্রদান করা হচ্ছে যা আগামীতেও চলমান থাকবে। সমিতিটি উপজেলা সমবায় সমিতি থেকে রেজিস্ট্রেশনথাণ্ড। বর্তমানে ১,০১৪ জন সদস্য নিয়ে গঠিত সমবায় সমিতির Outstanding ৭০ লক্ষ টাকার বেশি। সঞ্চয়ের পরিমাণ ২০ লক্ষ টাকার অধিক। বিনিয়োগের টাকা সমিতির ৭২১ জন সদস্যদের মাঝে বিতরণ করা হয়েছে। গৃহীত খণ্ড দিয়ে প্রত্যেকেই প্রকল্প থেকে অর্জিত জ্ঞান কাজে লাগিয়ে বিভিন্ন আইজিএ বাস্তবায়ন করছেন। এছাড়া সমবায় কর্তৃক ১টি গরু মোটাতাজাকরণ ও ছাগলের খামার তৈরি করা হয়েছে।

সাংস্কৃতিক ও ক্রীড়া কর্মসূচির উদ্যোগে বালিকাদের হ্যান্ডবল প্রতিযোগিতার ফাইনাল অনুষ্ঠিত

৩ এপ্রিল ২০১৮ এনডিপি-সাংস্কৃতিক ও ক্রীড়া কর্মসূচির উদ্যোগে কামারখন্দ উপজেলার জেডিপি বালিকা উচ্চ বিদ্যালয় মাঠে মাধ্যমিক বিদ্যালয় পর্যায়ের হ্যান্ডবল প্রতিযোগিতার ফাইনাল অনুষ্ঠিত হয়। খেলায় জেডিপি বালিকা উচ্চ বিদ্যালয় ৬/১ গোলে জেভসিস ফ্লাইওভার উচ্চ বিদ্যালয়কে হারিয়ে চ্যাম্পিয়ন হওয়ার পোর অর্জন করে। ফাইনালের সেরা খেলোয়াড় নির্বাচিত হন জেডিপি বালিকা উচ্চ বিদ্যালয়ের নবম শ্রেণির ছাত্রী কুকাইয়া। যৌথভাবে টুনিমেন্ট সেরা খেলোয়ার নির্বাচিত হন জেভসিস ফ্লাইওভার উচ্চ বিদ্যালয়ের দশম শ্রেণির ছাত্রী মীম এবং জেডিপি বালিকা উচ্চ বিদ্যালয়ের দশম শ্রেণির ছাত্রী আকলিমা। খেলাটি প্রায় ১০ হাজার দর্শক উপভোগ করেন। খেলা পরিচালনায় রেফারির দ্বায়িত্ব পালন করেন জেডিএম উচ্চ বিদ্যালয়ের শিক্ষক মোঃ আকবর হোসেন, ডিকেএসকে আদর্শ স্কুল ও কারিগরি কলেজের শিক্ষক মোঃ ইকবাল হোসেন এবং কোনাবাড়ি ইসহাক উচ্চ বিদ্যালয়ের শরীর চর্চা শিক্ষক মোহাম্মদ আলী জিনাহ। পরিচালনা কমিটির সভাপতির দায়িত্ব পালন করেন জেডিপি বালিকা উচ্চ বিদ্যালয়ের ম্যানেজিং কমিটির সভাপতি মোঃ সেলিম রেজা। প্রতিযোগিতায় প্রধান অতিথি হিসেবে উপস্থিত ছিলেন কামারখন্দ উপজেলা পরিষদ চেয়ারম্যান আব্দুল মতিন চৌধুরী। তিনি বলেন, হ্যান্ডবল একটি অত্যন্ত আনন্দদায়ক খেলা হওয়া সত্ত্বেও উপযুক্ত পরিবেশ এবং ক্রীড়া সংগঠক না থাকায় গ্রাম বাংলায় এই খেলা আর দেখা যায় না। বালিকাদের বেলায় তো প্রায় অকল্পনীয়। আজকে আমার সত্যিই ভালো লাগছে যে, প্রায় বিলুপ্ত এই খেলাটি এনডিপি-সাংস্কৃতিক ও ক্রীড়া কর্মসূচি কর্তৃক ফিরে এসেছে বলে। মেয়েদের মধ্যেও যে স্বতঃকুর্তা দেখলাম তা অবিশ্বাস্য। বিশেষ অতিথি হিসেবে উপস্থিত ছিলেন কামারখন্দ থানা অফিসার ইনচার্জ আবু ওবায়দা খান, উপজেলা ক্রীড়া সংস্থার সাধারণ সম্পাদক মোঃ আনন্দোব হোসেন খান, জেভসিস ফ্লাইওভার উচ্চ বিদ্যালয়ের প্রধান শিক্ষক মোঃ শহিদুল ইসলাম, জেডিপি বালিকা উচ্চ



বালিকাদের হ্যান্ডবল প্রতিযোগিতায় ফাইনাল বিজয়ী দল জেডিপি বালিকা উচ্চ বিদ্যালয়

বিদ্যালয়ের সহকারি প্রধান শিক্ষক মোঃ আব্দুল মান্নান, এনডিপির পরিচালক (কর্মসূচি) মোহাঃ শাহ আজাদ ইকবাল ও সহকারি পরিচালক (কর্মসূচি) জুবায়ের জাহান খান প্রমুখ উপস্থিত ছিলেন। উল্লেখ্য ২৯ মার্চ ২০১৮ প্রতিযোগিতাটির উরোধন করেন কামারখন্দ উপজেলা নির্বাহী কর্মকর্তা আকন্দ মোহাম্মদ ফয়সাল উদ্দীন। খেলায় জেডিপি বালিকা উচ্চ বিদ্যালয়, জেডিএম উচ্চ বিদ্যালয়, কোনাবাড়ি ইসহাক উচ্চ বিদ্যালয়, জেভসিস ফ্লাইওভার উচ্চ বিদ্যালয়, নান্দিনা মধু উচ্চ বিদ্যালয় এবং ডিকেএসকে আদর্শ স্কুল ও কারিগরি কলেজ অংশগ্রহণ করে।

রায়গঞ্জে ৯৫ জন প্রতিবন্ধীর মাঝে নগদ অর্থ বিতরণ



প্রতিবন্ধীদের হাতে নগদ অর্থ ত্লে দিচ্ছেন বাহাদুর আলম খান

১২ জুন ২০১৮ সিরাজগঞ্জ জেলার রায়গঞ্জ উপজেলায় এনডিপি বাস্তবায়িত প্রতিবন্ধীতা ও উন্নয়ন কর্মসূচির মাধ্যমে তালিকা তৈরি করে মোট ৯৫ জন প্রতিবন্ধীর মাঝে নগদ অর্থ বিতরণ করা হয়। জেলার কামারখন্দ উপজেলার মুগবেলাই গ্রামের বাহাদুর আলম খান এই অর্থ সহায়তা দেন। ৯৫ জন প্রতিবন্ধীর মধ্যে ৫০ জন চান্দাইকোনার এবং বাকী ৪৫ জন ধুবিল ইউনিয়নের বাসিন্দা। প্রত্যেকে ২৫০ টাকা করে পান। বাহাদুর আলম খান কয়েক বছর ধরে প্রতিবন্ধীদের বিভিন্ন ধরনের আর্থিক সহায়তা করে আসছেন। উল্লেখ্য, এনডিপি ২০০০ সাল থেকে সিরাজগঞ্জ জেলায় প্রতিবন্ধীতা ও উন্নয়ন কর্মসূচি বাস্তবায়ন করছে। এজন্য নিজস্ব অর্থায়নের পাশাপাশি উন্নয়ন সহযোগি সংস্থা, সরকারি সংস্থাসহ সমাজের বিত্তবান, শুভকার্যবান কাছ থেকে বিভিন্ন সহায়তা প্রদান করে প্রতিবন্ধীদের মাঝে বিতরণ করে থাকে। এ পর্যন্ত প্রায় ৫ হাজার প্রতিবন্ধীকে বিভিন্ন ধরনের সহায়তা প্রদান করা হয়েছে।

বিশেষ চাহিদা সম্পন্ন ব্যক্তিদের নেতৃত্ব বিকাশ প্রশিক্ষণ

মানুষ মাত্রই সীমাবদ্ধতা আছে। কারো নেশ, কারো কম। বিশেষ চাহিদা সম্পন্ন ব্যক্তিদেরকে অবহেলা না করে উপযুক্ত কর্ম নীচিকৃত করতে পারলেই দেশের উন্নয়নে তার অবদান রাখতে পারেন। এতে তারা পরিবার, সমাজ বা রাষ্ট্রের কাছে গুরুত্বপূর্ণ হয়ে উঠেন। তাই বিশেষ চাহিদা সম্পন্ন ব্যক্তিদের প্রতিবন্ধকর্তার বিষয় বিবেচনা করে এনডিপি তাদেরকে সামাজিক ও অর্থনৈতিকভাবে মর্যাদাপূর্ণ করতে ২০০০ সাল থেকে বিভিন্ন কার্যক্রম বাস্তবায়ন করছে। এরই ধারাবাহিকতায় প্রেসিস প্রকল্পের সহায়তায় ৮-১০ এপ্রিল ২০১৮ তিনি দিনবাচী সিরাজগঞ্জ জেলার রায়গঞ্জ, তাড়াশ, বেলুচুটি, ও সিরাজগঞ্জ সদর উপজেলার আওতাধীন বিশেষ চাহিদা সম্পন্ন সংগঠনের সভাপতি, সাধারণ সম্পাদক ও ক্যাশিয়ারসহ মোট ২০ জনকে নেতৃত্ব বিকাশ প্রশিক্ষণ দেওয়া হয়। প্রশিক্ষণে প্রতিবন্ধির সংজ্ঞা, প্রতিবন্ধিতার কারণ ও প্রতিকর্তা, আত্মিকাশ তৈরি ও সফলতা অর্জনে করণীয়, প্রতিবন্ধিতায় আক্রান্ত শিশু বা ব্যক্তিদের বাধা ও সমাধানের উপায় সমূহ, নেতৃত্বের শুণালী, যোগাযোগের উপাদান, ২০১৩ সালের প্রতিবন্ধী সুরক্ষা আইন ও সর্বোপরি পরিবর্তী কর্ম পরিচালনা তৈরি ইত্যাদি বিষয়ে প্রশিক্ষণ দেওয়া হয়।

প্রশিক্ষণটির শুভ উদ্বোধন করেন এনডিপির নির্বাহী পরিচালক মোঃ আলাউদ্দিন খান। তিনি বলেন- প্রশিক্ষণটি বিশেষ চাহিদা সম্পন্ন ব্যক্তিদের কর্মে স্পৃহ আববে এবং সামনে এগিয়ে যেতে সহায়ক ভূমিকা পালন করবে। প্রশিক্ষণে সিরাজগঞ্জ সদর উপজেলা প্রতিবন্ধি সংস্থার সভাপতি মোঃ রেজাউল করিম রতন প্রতিবন্ধিদের সকল ধরনের সহায়তার আশ্বাস দেন। প্রশিক্ষণটি পরিচালনা করেন এনডিপি'র সহকারি পরিচালক (এমএন্ডই) কাজী মাসুদুজ্জামান। প্রশিক্ষণের সমাপনী অনুষ্ঠানে এনডিপির পরিচালক



এনডিপির নির্বাহী পরিচালক মো. আলাউদ্দিন খান প্রশিক্ষণের উদ্বোধনী অনুষ্ঠানে বক্তব্য দিচ্ছেন (পিআরএম) ড. এবিএম সাজাদ হোসেন বলেন- প্রশিক্ষণটি বিশেষ চাহিদা সম্পন্ন ব্যক্তিদের জীবন মান উন্নয়নে পরামর্শক হিসেবে কাজ করবে।

নিম্পাপ শিশু রাইসা ফিরে পেল বাবার আদর



বিলকিস, সাদাম ও তাদের একমাত্র সন্তান রাইসা

কামারখন্দ উপজেলার ঝাঁঁঝাল ইউনিয়নের পাইকোশা থামের মোঃ আব্দুল হামিদের মেয়ে বিলকিস খাতুন (১৯)। বাবা মানসিক প্রতিবন্ধী। সংসারের হাল ধৰার কেউ নেই। মা-ই-একমাত্র ভৱসা। ২ বোন ১ ভাইসহ ৫ জনের সংসার। বিলকিস সবার বড়। মা সৃতা রংয়ের কাজ করেন। বিলকিস পড়াশুনার ফাঁকে ফাঁকে সৃতা রং ও ঘরের কাজে মাকে সাহায্য

করে। কোনভাবে সংসার চলে যায়। অভাবের সংসারে মা আর বিলকিসের পড়াশুনা এগিয়ে নিতে পারেন না। তাই অনিছা সঙ্গেও অষ্টম শ্রেণী পড়ায় মেয়ে বিলকিসকে ২০১৫ সালে বিয়ে দেন কামারখন্দ উপজেলার জামাতেল ইউনিয়নের মোঃ শাহজাহান মোল্লার ছেলে মোঃ সাদাম হোসেনের সাথে। মেয়ের সুখের কথা ভেবে বিলকিসের মা সামান্য সহল জমিটুকু বিক্রি করে মেয়ে জামাইকে ব্যবসার জন্য দেড় লক্ষ টাকা দেন। অভাবের সংসারে ছেলে মেয়ে উভয়ের বয়স কম হওয়াতে দুজনের মধ্যে খুনসুটি ঝাঙড়া বিবাদ লেগেই থাকতো। বিলকিস অঙ্গসংস্থা হয়ে পড়ে। তাদের দুজনের দূরত্ব বাড়তে থাকে। তিনি মাসের গর্ভবতী বিলকিস নির্বাতন সইতে না পেরে বাবার বাড়ী চলে আসে। বাবার বাড়ী আসার পর তার স্বামী ও শুণ্ডুর বাড়ীর সেকেজন কেউ বিলকিসের খোজ নেয়না। ৬ মাস পর বিলকিসের কোল জুড়ে আসে একটি ফটফুটে কল্যাণ সভান। মেয়ের জন্মের খবর পেয়েও সাদাম এবং শুণ্ডুর বাড়ীর কেউ দেখতে আসেনি। অভিমানী বিলকিস আর সাদামের দূরত্ব আরো বেড়ে যায়। কেটে যায় দুই বছর। এর পরে বাবার মুখ দেখা হয়নি মেয়ের মাঝে রাইসার। ওর বয়স এখন এক বছর। বিলকিসের মা সিদ্ধান্ত নেন, মেয়েকে আর কখনোই শুণ্ডুর বাড়ী পাঠাবেন না। বিলকিসও একমত পোষণ করেন মায়ের সাথে। এই সিদ্ধান্ত নিয়েই ২৫/০৬/১৮ তারিখে এনডিপি বাস্তবায়িত জেন্ডার এন্ড রাইটস ইউনিটে বিলকিস ডিভোর্সের জন্য আবেদন করেন। এনডিপির পক্ষ হতে সাদাম ও তার পরিবারের সাথে যোগাযোগ করা হয়। স্বামী স্তৰী উভয়ের সাথে পথকভাবে আবারো আলোচনা করা হয়। তাদেরকে কাউলিন্গ করা হয়। এভাবে চলতে থাকে ৩/৪ দিন। ৩০/৬/১৮ তারিখে এনডিপি অফিসে উভয় পক্ষের অভিভাবক, ইউপি সদস্য, এলাকার গণ্যমান ব্যক্তিবর্গ নিয়ে আপোসের জন্য বসা হয়। এবার তারা দুজন মত পাল্টালো এবং স্বামী স্তৰী দুজনেই সম্মতি দিলো নতুনভাবে সংসার করার। বাবা কোলে তুলে নেয় রাইসাকে। রাইসার দাদা দাদির আর তার সয় না রাইসাকে কোলে তুলে নিতে। একজনের কোল থেকে আবেকজনের কোলে অনবরত যেতে থাকে রাইসা। সবার মুখে হাসি। অর্থ একটু অভিমান আর রাগ নষ্ট করে দিচ্ছিল রাইসাসহ ৩ জনের জীবন। রাইসা ও ফিরে পেলেও তার বাবাকে। বিলকিসও ফিরে গেল স্বামীর বাড়িতে। দুই পরিবারই এখন সুখী।

এপ্রিল-জুন ২০১৮ খ্রিস্টাব্দ সময়ের মধ্যে প্রকল্প শুরু বা শেষ হয়েছে তার সংক্ষিপ্ত বিবরণ

ক্র. নং	প্রকল্পের নাম	দাতা সংস্থার নাম	কর্ম এলাকা	সময়কাল	উদ্দেশ্য
১.	ইএসএল	হেইফার ইন্টারন্যাশনাল বাংলাদেশ	ওয়ালিয়া ইউনিয়নের ৫টি গ্রাম (লালপুর, নাটোর)	আগস্ট ২০১৮ থেকে জুন ২০১৮	৫ বছর মেয়াদকালীন সময়ে প্রকল্পের ১,১৭৫টি পরিবারকে বিষ এবং ডেইরি ভ্যালু চেইন এস্টারপ্রাইজ এর মাধ্যমে দারিদ্র্য মুক্ত টেক্সই অর্থনৈতিক উন্নয়ন, উন্নত জীবিকা নির্বাহ এবং খাদ্য ও পুষ্টি নিরাপত্তা অর্জনে সহায়তা করা।
২.	অভিযান	পিকেএসএফ-গণসক্রিয়তা অভিযান	চাকলা ইউনিয়ন, বেড়া, পাবনা ও ঝাঁঝাল ইউনিয়ন, কামারখন্দ, সিরাজগঞ্জ	মে ২০১৮ থেকে অক্টোবর ২০১৮	১. ৩য় থেকে ৫ম শ্রেণির শিক্ষার্থীদের শিক্ষার্থীর মান উন্নয়ন ও বরেপড়া রোগ। ২. মূল্যবোধ, নীতি নৈতিকতা এবং সর্বোপরি স্বাস্থ্য সচেতনতার উন্নয়ন। ৩. বিশেষ চাহিদা সম্পন্ন ও সুবিধা বাস্তিত সকল শিশুর শতাব্দী উপস্থিতি নিশ্চিকরণ।



এনডিপি বার্তা

সংখ্যা ১৬ | বর্ষ ০৯ | এপ্রিল - জুন, ২০১৮

উজ্জীবিত প্রকল্পের অতি নাজুক সদস্যদের মাঝে অনুদান প্রদান

এপ্রিল থেকে জুন ২০১৮ পর্যন্ত আরইআরএমপি-২ এর প্রথম পর্যায়ের ২৮ জন এবং উজ্জীবিত প্রকল্পের অতি নাজুক ১২ জনকে ছাগল পালনের জন্য ১০ হাজার টাকা করে মোট ৪ লক্ষ টাকা অনুদান প্রদান করা হয়। অনুদান প্রদানের পাশেপাশি জয়কৃত ছাগলকে তৎক্ষনিকভাবে কুমিনশক ট্যাবলেট খাওয়ানো হয়। অনুদান প্রদানের শর্ত হিসেবে তাদেরকে কমপক্ষে ২টি ছাগল পালন করতে হবে। বাড়ির আশেপামে ঘাস চাষ করতে হবে। সময়মত টিকাসহ অন্যান্য প্রোজেক্টের চিকিৎসা নিশ্চিত করতে হবে এবং মাঁচা পদ্ধতিতে ছাগল পালন করতে হবে। উল্লেখ্য, এনডিপি কর্তৃক ২০১৩ সাল থেকে বাস্তবায়িত প্রকল্পটি পিকেএসএফ ও এনডিপির মৌখিক অর্থায়নে সিরাজগঞ্জ, নাটোর ও পাবনা জেলার ১৪টি উপজেলায় বাস্তবায়ন হচ্ছে।

পারিবারিক সহিংসতার শিকার মাঝাকে সিজিবিভি প্রকল্পের চিকিৎসা সহায়তা

মুলিবাড়ি গ্রামের মোছা: মাঝা খাতুন তুচ্ছ কারণে এপ্রিল ২০১৮ পারিবারিক নির্ধাতনের শিকার হন। রান্না হতে দেরি হওয়ায় স্বামী মোঃ আবু বক্র নিজের রাগ নিয়ন্ত্রন করতে পারেননি। মাঝার স্বামী বক্র দিন মজুরের কাজ শেষে দুপুরে বাড়ী এসে ভাত খেতে চায়। মাঝা তখন ভাতের পরিবর্তে রুটি দেয়। কয়েকদিন ধরে বক্রের দাঁতের ব্যাথা থাকার কারণে সে রুটি খেতে চায় নাই। একই দিন বিকেলে আবারও ভাত খেতে চায় বক্র। মাঝা তখনও ভাত রান্না করে নাই। প্রথমে তরকারি রান্না করছিল। মাঝা বলে, ভাত এখনও হয় নাই। তরকারি রান্না হলে ভাত বসাবো। তার পর খাও। একথা শুনে বক্র রেগে গিয়ে হঠাতে করে গাছের মোটা ডাল দিয়ে সজোরে তরকারির পাতিলের উপর আঘাত করে। তৎক্ষণাত গরম তরকারি ছিটে পিয়ে মাঝার মুখে লেগে যায়। মাঝার শরীর, কপাল পুড়ে যায়। বাম চোখ ক্ষতি হচ্ছে হয়। মাঝা ব্যন্তনায় ছটফট করতে থাকেন। প্রতিবেশিনী পানি ঢেলে উপশম করার চেষ্টা করতে থাকেন। কিন্তু উন্নতি হয় না। এমন সময় খবর পেয়ে এমজেএফ এর সহায়তায় এনডিপি বাস্তবায়িত নারীর প্রতি সহিংসতা প্রতিরোধ ও মোকাবেলা প্রকল্পের সুক্ষিয়া কামাল নারী দলের মোছা: ফিরোজা বেগম তাকে নিকটস্থ এক ডাঙারের কাছে নিয়ে যান। মাঝা খাতুন গীরীব। ইচ্ছা করলেই ডাঙারের কাছে যাওয়ার সমর্থ্য নেই তার। ফিরোজার মাধ্যমে প্রকল্পের প্রকল্প কর্মকর্তা নির্ধাতনের খবর পেয়ে প্রকল্প সম্বয়কারিকে সাথে নিয়ে ডাঙারের কাছে যান। ডাঙারকে সার্বিক চিকিৎসা নিশ্চিত করতে অনুরোধ করেন। প্রকল্প থেকেই চিকিৎসা খরচের নিশ্চয়তা দেওয়া হয়। একমাস লেগে যায় পুরোপুরি সেবে উঠতে। বাম চোখটার মারাত্মক ক্ষতি হতে পারত। কিন্তু তৎক্ষনিক ব্যবস্থায় এ যাত্রা মাঝা বেঁচে যান। পুরোপুরি সেবে যাওয়ার পর প্রকল্প সম্বয়কারি ডাঙারের চিকিৎসার যাবতীয় খরচ হিসেবে সিরাজগঞ্জ সদর উপজেলার সয়দাবাদ ইউনিয়ন পরিষদ চেয়ারম্যানের মাধ্যমে মাঝা খাতুনের হাতে চেক তুলে দেন। মাঝা খাতুন শারীরিকভাবে সুস্থ হলেও ভবিষ্যতের শংকায় ভৃত্যাকাণ্ডে প্রতিক্রিয়া হাতে পারে। প্রকল্প থেকে মাঝা খাতুন ও তার স্বামী আবু বক্রকে নিয়ে কাউলেলিং করা হয়। এক পর্যায়ে আবু বক্র তার ভূল বুঝতে পারেন। তিনি প্রকল্প কর্মকর্তা ও প্রকল্প সম্বয়কারির কাছে বলেন, যে ঘটনা ঘটেছে তা আমার ভূলে হয়েছে। আমি জীবনে আর আমার স্ত্রীকে শারীরিক ও মানসিক নির্ধাতন করব না। মাঝা খাতুন বলেন, আমার ৩ মেয়ের ভবিষ্যতের কথা ভেবে খুব দৃষ্টিশীল ছিলাম। আমি আজ শংকাযুক্ত।

কনফারেন্স রুম ও ট্রেনিং রুম ভাড়া

- সভা কক্ষ (এসি) : ৮,০০০.০০ টাকা প্রতিদিন
- প্রশিক্ষণ কক্ষ (এসি) : ৪,০০০.০০ টাকা প্রতিদিন

খাদ্য

সকালের নাস্তা :	৬০ টাকা (রুটি/পরটা/চিকিৎসা, মির্রুড ভেজিটেবল/ডাল, ডিম ও চা)
লাঙ্ঘনিকার :	(১৫০ টাকা প্রেন রাইস, চিকেন/মাটে/ফিস, মির্রুড ভেজিটেবল এবং ল্যাস্টেল সুপ)
নাস্তা :	৩০ টাকা (সিঙ্গারা/সামুচা/কেক ও চা)
চা :	১০ টাকা (প্রতি কাপ)
কফি :	২০ টাকা (প্রতি কাপ)
কোমল পনীয় :	৪৫ টাকা (৩০০ মিলি ক্যান) / ২০ টাকা (২৫০ মিলি বোতল)
দই :	৪০ টাকা (১০০ শাম)
মিনারেল ওয়াটার :	১৫ টাকা (৫০০ মিলি বোতল)

সরকারি বিধি মোতাবেক ভ্যাট ও সার্ভিস চার্জ মুক্ত হবে।

আলোচনা সাপ্তক্ষে যে কোন স্পেশাল ডিস সার্ভিস করা হয়।

ডাইনিং সুবিধা

৯০ জন গেষ্ট ধারণ ক্ষমতা সম্পন্ন একটি সুবিশিষ্ট ডাইনিং রুম এবং ৩৬ জন গেষ্ট ধারণ ক্ষমতা সম্পন্ন শীতভাপ নিয়ন্ত্রিত একটি ডাইনিং রুম।

ডরমেটরী

- সাধারণ নন এসি : ৬০০.০০ টাকা (ডাবল বেড) পার ওভারনাইট
 এসি (ভিআইপি) : ১০০০.০০ টাকা (ডাবল বেড) পার ওভারনাইট
 ডিলার (এসি) : ১,৫০০.০০ টাকা (ডাবল বেড) পার ওভারনাইট
 লার্সার (এসি) : ১,২০০.০০ টাকা (সিঙ্গেল বেড) পার ওভারনাইট

বুকিং সুবিধা :

প্রশিক্ষণ সুবিধার জন্য ১৫ দিন আগে বুকিং করা যায়। লিখিত বুকিং অগ্রাধিকার দেওয়া হয়। ই- মেইলেও যোগাযোগ করা যেতে পারে। বুকিং বাতিল করতে ন্যূনতম ৭ দিন আগে জানাতে হবে।

অন্যান্য সুবিধা :

- কম্পিউটার / ল্যাপটপ
- মাল্টিমিডিয়া প্রোজেক্টর
- সাউন্ড সিস্টেম
- ইন্টারনেট
- টেলিফোন
- ফটোকপি ও বাইডিং
- গাড়ি ভাড়া

যোগাযোগ ৪

ব্যবস্থাপক (প্রশিক্ষণ কেন্দ্র)

এনডিপি প্রধান কার্যালয়, বাগবাড়ি, শহীদ নগর, কামারখন্দ, সিরাজগঞ্জ-৬৭০৩
 টেলিফোন: ০৭৫১-৬৩৮৭৬, মোবাইল: ০১৭১৩-৩৮৩১০৬, ফ্যাক্স: +৮৮-০৭৫১-৬৩৮৭৭
 ই-মেইল: akhan_ndp@yahoo.com, ওয়েবসাইট: www.ndpb.org